

# La BCG sustegna il Hospiz Graubünden a Maiavilla En num da sias collavuraturas e ses collavuratur fa la BCG ina donaziun da 10'000 francs

Cuira, ils 4 da december 2020 – Dapi 13 onns realisescha la Banca Chantunala Grischuna (BCG) sia aziun d'advent. Las collavuraturas ed ils collavuratur voteschan tge organisaziun d'util public che duai retschaiver ina donaziun da 10'000 francs or dal FOND DA CONTRIBUZIUN BCG. Quest onn vegn sustegnì il Hospiz Graubünden a Maiavilla.

Il Hospiz Graubünden porscha in ultim dachasa per umans cun ina malsogna incurabla. Urs Hardegger maina l'instituziun: «Per nus è donaziuns d'impurtanza enorma. Senza talas contribuziuns e senza nossa uniun da promoziun na pudessan nus betg finanziar nossa chasa.» Ils daners or dal fond da contribuziun BCG vegnian dabun directamain a las cussadentas ed als cussadents, declera Urs Hardegger. «Nus impundain questa donaziun per umans che vuessan vegnir tar nus, che na pon però betg surpigliar sezs lur part dals custs.» Ma era terapias e furmas d'accompagnament supplementaras betg cuvridas da la cassa da malsauns vegnian finanziadas cun la donaziun da la BCG. Tals supplements sajan impurtants, damai ch'il Hospiz Graubünden accumpognia umans sin murir. «E sin questa ultima via vuessan nus porscher a nossas avdantas ed a noss avdants la meglra qualitat da viver ch'è pussaivla en in tal mument.»

Cun ses fond da contribuziun s'engascha la BCG per la regiun e surpiglia responsabladad sociala. Ella promova e sustegna cun var dus milliuns francs ad onn projects nuncommerzials en e per il Grischun, e quai en ils secturs cultura, fatgs socials, sport, economia/turissem ed ambient. L'onn da giubileum 2020 ha la banca rinforzà ses engaschi cun il project [BCG FORZA](#).

Infurmaziuns davart il [Hospiz Graubünden](#) ed il [FOND DA CONTRIBUZIUN BCG](#).

### Contact per ils collavuratur da medias:

Banca Chantunala Grischuna, Medias & Investor Relations, chascha postala, 7001 Cuira  
Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11  
Daniel Daester, [daniel.daester@gkb.ch](mailto:daniel.daester@gkb.ch), telefon +41 81 256 88 01

La Banca Chantunala Grischuna sin:

[gkb.ch/medien](https://gkb.ch/medien) | [Twitter](#) | [Facebook](#) | [Instagram](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per personas privatas, l'economia ed il maun public. La banca occupa 999 collavuraturas e collavuratur (stadi dals 30-06-2019). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 26,6 milliardas in gudogn dal concern da CHF 100,5 milliuns. Il scrit da participaziun BCG è quota a la bursa dapi ils 10 da settember 1985.

#### Termins

Quint annual 2019: 7 da favrer 2020  
Radunanza dals participants: 25 d'avrigl 2020

---